

屈原問渡

浙音釋字琴譜：（明弘治四年前即 1491 年前）

第一段 南荒投逐

南荒投逐，忠孤身獨，離愁萬斛。力犯雷霆，身遭荼毒。萬里的那江山，憂心反復，親親三族虛宗屬。見國的那無期，難憑你那威福。徒捋那虎鬚，安你那蛇足。身世累累的那同草木，徙處不毛也，何由可贖。驢垂兩耳，竟向鹽車俯伏。

第二段 野渡危磯

斷橋野渡也危磯，景淒淒，沙平岸曲人稀，霜凜也風悲。去步遲遲，冒天威，保安社稷謹無虞，空此也傾葵。求全致毀也悞君君兮兮，可恨譎詐張儀。

第三段 漁翁問姓

漁翁那問姓，子莫非屈平。掌三閭，逆聖情，會武關黃棘之盟，子曰不可于以阻行。軌於物而滯凝，反辱而求榮，世事風燈信少憑。

第四段 伸言己志

忠言鯁論，何可以伸，面折的那口陳，空教披肝瀝膽。託劉蕢王室之親，安以皓皓的那潔白，蒙世俗之塵，身之察察，受物汶汶。

第五段 一身逐客

一身的那逐客，憂君的那默默。五嶺的那雲遮，三湘的那水隔，征路風塵的那秋瑟瑟。東阡的那西陌，有類海隅，無殊蠻貊。卑暑地，江潭澤，無憂遠謫也，謫還憂國。

第六段 萬里憂君

身萬里也尙憂君，王室的那宗親。傾危社稷忍傳聞，此心煩悶，柰無由可愬你那原因。客卒於秦也秦，卒於秦。

第七段 細和滄浪

聽和滄浪之聲，滄浪濁清水濁清，濁斯濯足的那清潔纓。丘山誼重，一葉身輕，的那舉世人那皆醉，而我獨醒醒。秦楚兩無憑，的那兩無憑。

第八段 勢時任變

宗國也竟危顛，勢時任變，天荒地老，滄海桑田。搖尾恥誰憐，堪嗟兀兀窮年。舉首的那褒然，無計而獲萬全。任屍鞭，瞻天涕淚流漣，志空堅。無所控訴，不得已而止焉。